

# BOLUNGUR

## FRÉTTABRÉF GRUNNSKÓLA BOLUNGARVÍKUR



### September

#### DAGSKRÁ

- 7. Starfsdagur
- 8. Púttkeppni
- 9. Skólahlaupið
- 10. List fyrir alla
- 24. Handritið til barnanna 6. bekkur
- 24. Samræmt próf 7. bekkur ísl
- 25. Samræmt próf 7. bekkur stæ
- 29. Þorgrímur Þráinsson heimsækir 9.-10. B
- 30. Samræmt próf 4. bekkur ísl



7. bekkur Grunnskóla Bolungarvíkur ásamt jafnöldrum frá Ísafirði, Súðavík, Bíldudal, Patreksfirði og Akureyri í skólabúðunum að Reykjum.

## Upphaf skólaársins 2020

#### FRÁ SKÓLASTJÓRNENDUM

**Kæru nemendur, foreldrar/forráðamenn og Starfsmenn.**

Tvær vikur eru nú liðnar af skólaárinu og rétt er að fara yfir helstu atriði. Covid setti mark sitt á skólasetningu þannig að hún var ekki með hefðbundnu sniði. Nemendur mættu til síns umsjónarkennara og stjórnendur heimsóttu alla bekki, buðu nemendur velkomna og áréttuðu m.a. skólareglur, umgengi og fyrirhugaðar breytingar á komandi skólaári.

Fyrstu skólavikuna fór 7. bekkur í Reykjaskóla, unglingsstigið fór í göngu upp á Ufsir og yngsta stigið fór í berjaferð. Auk þess fengu nemendur kynningu á fyrsta samþættingarverkefni vetrarins sem heitir "Hver er ég". Verkefnið tekur 6 vikur og endar á nemendastýrðu foreldraviðtali í byrjun október. Í þessu verkefni er samþætting námsgreina í forgrunni og unnið er markvisst með einn af grunnþáttum menntunar, sem er heilbrigði og velferð. Eins og undanfarin ár eru íþróttir úti í september.

Valgreinar á mið og unglingsstigi byrjuðu strax í fyrstu viku skólans og höfðu nemendur úr fjölbreyttum viðfangsefnum að velja. Sumar valgreinar voru vinsælli en aðrar og náðist þar af leiðandi ekki að halda öllum greinunum inni. Þetta þýðir að sumir fengu ekki sitt fyrsta val, en allir virðast vera sáttir með sitt.

Í vor kynntum við nýja kennara/leiðbeinendur sem tóku til starfa nú í haust. Á haustdögum var gengið frá ráðningu í mötuneyti og dægradvöl. Í mötuneytið komu Jensína Ólöf Sævarsdóttir og Drífa Gústafsdóttir og í dægradvöl kom Sigríður Elma Björnsdóttir, en hún er einnig stuðningsfulltrúi á unglingsstigi. Auk þess kom Arnar Smári sem nýr stuðningsfulltrúi á yngsta stigið.

Að lokum viljum við minna á að skólinn opnar ekki fyrr en 07:45 á morgnana og mikilvægt er að nemendur komi klæddir eftir veðri.

Góða helgi  
Halldóra Dagný og Steinunn



Kennarar og nemendur Grunnskóla Bolungarvíkur hafa verið virkir í eTwinning verkefnum sem hefur leitt til þess að við erum eTwinning skóli. Í haust verður m.a. verkefnið Sing along í gangi. Í því taka nokkrir bekkir og kennarar þeirra þátt.

Elín Þóra hefur verið leiðandi í þessum verkefnum í skólanum og er eTwinning ambassador.

